

潛江縣志卷之十六

知縣事劉煥纂修

知縣事史致謨續纂

人物志 列傳

明

歐陽東鳳

歐陽東鳳字千仞號宜諸十四而孤母許卧病彌年晨夕侍湯藥有唾血跪而食之籲天而泣祈以身代居母喪服未闋三日不與縣試後卒以補童子遺郡伯學使

潛江縣志

卷十六

人物志

一

俱拔第一卽以是年萬曆乙酉舉孝廉己丑成進士授興化令賑浸窮鄉一舸渡湖風濤卒起民望而哭者聲震天鳳怡然不動於色與民逋賦獲辜鳳抗疏於朝減浮糧二萬石蠲積逋一萬餘兩擢刑部郎疏斥貪蕩祭酒馮夢禎總督陳大科一時有以嚴見憚之頌出守平樂勸猺獠子弟就學化以禮讓會璫恣行粵西郡邑股慄鳳力折其鋒璫爲易嚮調常州守建先賢祠樹傳是堂撰毘陵人物志四庫全書稱其取常州先哲六十九人採史傳郡志人各爲傳附以頌體例頗謹造高士王

時英之廬車載還郡坐論得失侈靡之俗一礪旋備兵
穎上勤簡練禁包折清驛遞墨吏望風解綬幡戟所至
風霜肅然自穎歸田者數載熹宗朝以公廉卓異特起
南太僕寺少卿鳳三疏乞休事跡附見明史顧憲成傳
杜門著述干旄所至輒引避之惟事有關邑利害者則
不憚力爭請改折兌糧以甦里困議蠲議賑必災黎實
沾其惠而後已積僧田守張良臣計改朱侯熙洽清丈
額弓以贏田爲奇貨鳳條陳置於法民害以除有大盜
劫質庫經其門聲相誡曰勿驚我歐陽公異類革面如

潛江縣志

卷十六

人物志
列傳

二

此潛俗從墓祭鳳謂委禮於草莽非古也建祠於先世
墓左置祭田訂祭約構一枝齋聚羣從子弟之秀者課
菽其中其不習舉子業者誨以曲禮孝經彬彬乎有孝
弟力田之風焉鳳仕不廢學讀書無間寒暑著有我乾
飛霞閣社草素風居士集自在居偶筆一枝齋腐譚閒
中漫鈔蝶軒漫書毘陵閒話昭州暇筆又傳闡律十卷
見明史卒年四十九訃聞毘陵五邑士民奔走請祀名宦
邑之人請祀鄉賢兩祀先後並舉三代之直於歐陽太
僕見之矣

邑人朱士尊曰公遺命勿溷我以鄉賢事豈公尙有
歉於衷與夫崇德尙賢本由民彝寧私其人哉况公
之平生世有定論奚翅一鄉乃棺甫蓋而鄉人無小
大翕然謂當祀是亦可以槩公矣公清望在朝慈惠
在野算僅服官數同伯道造物者尙可問耶又
何怪乎庸碌高位薄刻永年者之援以自解也

何薦可

何薦可字替否號具茨萬厯庚子鄉魁癸丑進士初授
常州推官按獄必焚香露禱然後具狀置於理者自以
不寃以治行異等行取戶部主事擢南廣西道御史疏
邊疆戰守無長策經撫異同生嫌備陳失援致劾旁掣
紛囂之情痛切千餘言又以留都根本重地久缺司馬

潛江縣志

卷十六

人物志
列傳

三

宜急簡本兵急議督練專官劾首揆溫體仁因循誤國
降秩旋復乃引病去著有二戴剛條定註行世年七十
三卒崇禎四年祀鄉賢子翰舉人事載孝子傳鳳翽歲
貢士孫暉祚恩貢闖寇亂隨父詡母陳避湖中賊至將
遇害暉祚哀鳴乞代賊憫而並釋之未仕卒

劉道隆

劉道隆字麟原號啟南萬厯乙酉舉人丙戌進士授江
都知縣下車卽杖殺侵帑吏諸蠹不敢因緣爲奸昭雪
滯獄范學仁等十餘人鑿陂堰以抹潦困開商籍試士

之例欵縣當國所親多僑居楊介肆行莫問隆以匿盜
賊撲其姪擾驛遞奪其壻中書某郵符時相啣之幾不
免作令五載約已愛民風裁自砥會詔徵郡縣循良入
充風憲擢隆兵科給事轉刑科給事處言路四閱月疏
凡十數上補袞闕倣官邪彊項壁立以爭拾遺引嫌家
食七年補兵科再轉吏科復去位神宗中葉以來朝亡
之間局凡屢變門戶之說紛紜水火工科給事孫善繼
拜疏竟去道隆繼之王元翰顧天俊李騰芳陳治則先
後去吏科糾擅去諸臣命削善繼籍道隆等各降秩秦

潛江縣志

卷十六

人物志
列傳

四

昌改元凡老成人悉起田間除隆光祿少卿遷通政參
議轉右通政疏薦高邑趙南星德清葛寅亮溫旨嘉納
次第擢用疏揀熊廷弼謂司馬左袒撫臣王化貞妄引
一二不根語欲坐經略逆謀與兵部駁擊不報遂引疾
致仕隆居鄉嚴氣正性邑中興除大故不辭艱不避謗
如條議濬河築隄事宜一邑永賴於立朝去就間尤有
古大臣之風卒年六十七祀鄉賢子孫恩貢通判孫廣
國進士充國恩貢會孫儵歲貢寶慶府訓導偉太學生

朱之玉

宋之玉字章峩宗望子萬厯丙午舉人授信豐知縣以清恬醕謹得上考遷高唐知州有販金商沈舟於河鄉人爭以網罟取之一郡譁然商不敢問玉聞之單騎至河干盡逐網金者更取黠者一二輩法之擇善水五六人從水底探得囊篋封識宛然盡以還商商跪泣曰微公至幾爲窮途餓殍得還鄉資斧足矣烏冀其他玉曰吾至此恐市人爭奪耳倘自取之何面目對吾赤子商固請曰篋中金計二千餘兩願獻其半以報殊恩玉笑曰與其半盜攫其全卽發公役十人護送境外商爲潛江縣志

卷十六

人物志
列傳

五

立卻金亭於河干勒碑記其事遷順天司理轉刑部郎中擢桂林知府致仕年八十二卒子士鼎太學生

張承宇

張承宇字幼寧號啟爾戶部夔子孕十四月而生六歲失怙穎異過人篤好經史負爽朗瀟灑之才下筆輒數千言弱冠藉藉儒林累舉不第崇禎間徵賢良方正不應仍就歲貢己卯復入鄉闈已獲雋又以策語觸時諱乙之副榜拔貢字撫几歎曰吾經世之志不復伸矣遂感疾不起宇爲人骯髒不偕俗貌魁梧豐偉才大氣雄

以匡濟自許啟口纏纏霏霏爛然雲錦尤善草書行楷

疾將革客至譚笑自若友人柴一德以詩來尙援筆屬

和詩曰爲問長卿病有無牀前數步賴人扶曾非開幔

如新婦縱不雕蟲豢壯夫姓字無聞徵盛世文章待

捲入冥途煩炎欲得葡作葬制自祭文題銘旌曰大明

荀解千顆來當酒百壺

高士張啟爾之樞絕筆以終著有牆東樓集四十以前

詩集二十一史釀三傳合鈔歷代詩文選秋辭集唐百

首振古奇哭魚腹鬪龍舟雜齣

歐陽燭子壻孫城附

歐陽燭字誠夫號湘茹德慶守東白長子年十六三試

潛江縣志

卷十六

人物志

列傳

六

有司咸冠中萬歷己酉鄉試赴天官試第一除乾州知

州乾衝瘠而囂訟燭至攜長孫城誓於眾曰有不潔已

自愛以一事累乾民者殃及此孫聞者輒加額歎其翦

棘撤部伐叢拔薶凡利乾民不憚心力九膺薦剡移駐

浪郡丞擢南刑部郎中上有盤錯益利雷電合章之褒

遷廉州太守以平海功調守韶州尋簡兵備副使移鎮

姚安以防土司之變蒞政期月屢疏稱疾上猶曰某善

自攝將需後用異數也歸構滄浪閣日偕其弟燠集宗

黨朋游琴樽嘯詠崇禎癸未秋闈賊入郢焚陵廟燭憤

甚命酒賦詩有澄清若是爲期杳蒲質何須更假年之句擲筆而逝年六十四

壻字若木號雪崖壻子恩貢通判不仕壻壯貌魁岸炯雙眸美髭髯性豪邁善與人交所收藏古法書名畫甚富每延佳士品題酒籌歌板永夕移日不極興不休晚結廬父觀察墓側遂終老焉

瑛字他石號介菴壻子順治戊子拔貢授成縣知縣道過乾州去其祖燔爲政之時三十年父老子弟咸來拜且泣指其祠前所樹石曰天寶昌賢刺史後也願使君

潛江縣志

卷十六

人物志
列傳

七

自愛瑛蒞成值地震山崩壓死人丁數千地裂沈田糧一百二十餘石瑛力請除亡丁蠲絕糧災民戴之爲誌於石嗣補高密令密最苦逃人流毒瑛獲逃卽親爲解送杜窩家扳連之禍尤工詞翰退食之暇不廢詠觴尋以病卒昇櫬奠送者千餘人子錫疇中康熙庚午副榜拔貢

朱之瑚

子士達附

朱之瑚字仍樸號瑤碧宗望子博學敏才生平以聖賢自律言動不苟凡諸昆季家政悉就裁決以歲貢廷試

第一授公安訓導視躬範士咸式以爲人師再補南康
訓導南康俗有男女踰三十未婚嫁者一家有纍纍數
棺累代不營葬者瑚至進諸生耆老切責誨諭其或家
貧無力則設彼此資給通融之法著婚儀葬儀二卷婚
葬以時直指嘉其事膺薦當遷力辭歸里白首進修不
懈尤善臨池子士達進士

士達字顯公號亦巖崇禎丙子副榜順治甲午舉人乙
未副南宮己亥成進士授常州府推官嘗樂與諸生講
藝一時魏科多出其門丙午以禮記分校南闈得知名

潛江縣志

卷十六

人物志
列傳

八

士四人常有寓客陳有量妻海氏姝麗漕猾林二思漁
之賺量出逼海不涅以死匿骸漕糧中又募人刃量於
途達適監兌夜恍有嗚咽聲似訴漕艘者驚起明炬入
清米得海屍廉得林狀林以大利求逭竟置於法時方
炎夏踰十日乃殮色如生常人建海烈婦祠有銀管集
以頌其事旋奉裁缺改補歸年六十四卒孫時夏太學
生考投州同時行時健俱太學生

李師沆

子善篤附

李師沆字靖源號畏蒼萬曆己酉舉人天啟壬戌進士

除安肅知縣安肅爲畿輔衝繁近地供億日夕無寧晷
沈敏練慈惠事無廢而民享安和甫報最擢吏部文選
主事旋以母老乞假林下十年崇禎乙亥詔起才能補
大理丞遷南禮部郎中轉河南參議尋罷歸結茅潭河
督耕屏迹卒年六十四子善篤性孝友績學砥行一時
有謹厚之稱崇禎癸酉鄉舉授廉州推官卒於任善承
順治甲午選貢士任潛山丞孫詵劭太學生考授縣丞

李庚

李庚字君義號筠城參政之皞子歲貢士投蘄水訓導

潛江縣志

卷十六

人物志
列傳

九

會賊犯蘄庚設伏浣水上賊宵遁蘄人上其事於撫軍
直指庚曰吹劔者一映耳豈以是希進哉遂拂衣去蘄
人官撫極有迓庚出山詩曰不泝流光便擊空烏紗時
在釣船中東方大隱堪遊戲何必冥飛天外鴻又曰韎
韜曾將儒服刪么魔泣遁笑談間而今玉匣藏霜刃忍
聽頭顱積滿山之句庚歸田後卽無意人間世潛心苾
芻絕血味著布衲蕭然一老頭陀二十餘年著有松篁

館詩草

劉若金

劉若金字用汝號雲密性剛介嚴整喜分別倫類面折人過爲文以清真澁健爲矩矱好苦思名其制義曰渴日草天啟辛酉舉人乙丑進士授古田知縣海墘瘠邑羣盜聚叢篁灌莽中梗驛劫旅若金至蘇郵弭盜臺使交薦調補浦城令古田攀留不得與浦城爭訴於建寧太守守曰朝命也應與浦城閩人傳爲美談浦苦旱若金甫視事卽廉得巨蠹榜殺之應時澍雨以平斗斛賊功擢南吏部主事轉郎中出爲淮海兵備僉事淮右爲濠泗門戶流寇方熾餉缺卒驕脫巾兆變若金剔釐訓

潛江縣志

卷十六

人物志
列傳

十

練清冒領擢將才羅舉於伍授以方略置堡設邏賊相戒不敢犯境淮多勢豪大猾叢奸害政若金摘發鋤擊逾年而淮大治河工因循成習若金搜求水道悉心疏築所開淤河與劉兵憲隄今猶稱之奏績晉一級賜白金文綺益爲當事者所忌投劾還里已而上知其忠幹優詔起南通政司右參議特簡副都御史督撫閩廣中原賊焰甚張若金保海上厯遷刑部尙書賜贊襄補袞銀印致仕歸杜門謝客題常所讀書屋曰喟然軒自號蠡園逸叟景陵孝廉吳驥贈以詩曰兵戈間道入趨陳

追憶深恩顧老臣留得黃冠依故里占來白社託先民
蔭松息竹俱流韻積雪鑿冰益爽神自有龍門難望見
勞生猶作路旁塵其推挹若此若金草書最佳不輕爲
人作故流傳者少善攝養精研軒岐之書耄耋精神不
衰著本草述二十四卷行世年八十一卒祀鄉賢子洸
順治庚子舉人沅陵教諭湜太學生候選知縣

歐陽爨

歐陽爨字弢夫一字澤涵東白仲子少受知於學使葛
公岷瞻長益肆力於文章聲譽日盛以歲貢士除簡州

潛江縣志

卷十六

人物志
列傳

七

同知遷廣東都閩參軍旋乞歸爨性爽逸以山水友朋
爲樂所在焚香掃室羅花竹陳圖史茗盃琴樽吟咏移
情蓋隱於吏者也解組後葛巾野服嘯傲林泉每佳晨
勝賞必招邀文士呼子弟環坐飛觴人謂蘭亭西園風
宛在年八十二卒卒之日命酒別戚友陶然自得若舉
手謝世人者然

柴一舉張佐

柴一舉字霞卿號鴻瀛邑諸生性恬靜蕭散志行淳慤
當明季寇亂舉一舸往還江湖間順治二年天下大定

返故廬柳陰河畔耆英歡嘯皓首兒孫環坐傳學郡太

守李公起元公安袁彭年江夏黃正色長沙陶汝鼐俱

有壽舉九十詩又四年卒

郡伯李起元壽霞卿九十詩聞昔使臣過雲水鬢髮親逢

排奕壘兩行林立皆鶴顏仙侶儼然圖畫裏比來劉子

向余言柴翁九十友東園精光皎若冰壺濯會茹神芝

吸露繁有時執經能課子有時含節學哺孫研思猶復

通深渺手探月窟攀天根為問此翁何所詣躡景崑崙

方高憇地行不必蒲輪徵河上風光偏開霽世人局促

服轅駒羊腸難陟路崎嶇此翁舒嘯常瀟灑留得生來

眉與鬚閱歷幾經陵谷改伐毛洗髓存主宰繼嗣翩然

遶膝前學道既成及親在向說燕山鮮比倫江沱今亦

有靈椿我將憑軾浴高躅寫入鵞溪獻北辰公安袁

彭年詩先生今年九十春屈指穆廟改元人閱罷七朝

了政玉炎嶠又見赤幟新柱下乳相百四十逮事高文

上及秦先生之年才強半已見滄海三揚塵策杖高吟

潛江縣志

卷十六

人物志

三

江沱邊何須導引始長年有子賢豪窮宛委孫又生子

及會元移山莫費愚公力且從衛武手一編春初把酒

待清光鄭莊初見大父行君不見荷葉如錢榴吐蕊張

緒南門舞流水恰是先生嶽降辰膝前四代奏甘旨鼎

沸聲裏憶開元手書甲子又一紀北窗一卧夢未醒驢

背大笑何年始江夏黃正色詩荷生南浦小如錢先

生九十猶壯年日坐高隄雲鳥邊行人閱盡千萬千晴

霽歡逢好顏色綠楊淡蕩波光立室中忘却攜筇出遠

人來前恰相及借問先生何以壽少年彈琴琴是友種

菊殷勤列差等有花黃白秋心守兒孫箇箇催我老白

髮雖添亦太早不知時代是何年只覺逢君語言好今

朝滿懷都是春塵埃人更一番人我持匡山一藤杖跪

進先生笑相向湖南陶汝鼐詩君不見興都自昔雲

氣多老人一宿明江沱柴翁九十神骨如鶴立飲酒尚

記康衢歌平巾淡衣談太古何必涼風之山與縣圃手

持青玉杖坐受萊衣舞不使黃庭換白圭安用紅顏餒

潼乳侶從綺皓圖中見眼底滄桑看欲倦生平抱道如

抱珠始覺韓彭致身賤居然神廟以前人風霜偏得老

龍鱗欲向江潭採雲母壽公與世留其醕
大郎戟手笑相謝里中自有仙史真劉晨
張佐字翊鼎

以文學名兩中副車惟以薄福自謝設義塾教後學從
遊者多致通顯年垂百而飲啖步履如壯盛一日呼其
孫曰吾歷壞劫中得全正寢天也爾輩大道理只向聖
賢書中體貼文章世業忠厚祖傳須引伸滋培之清貧
是福謹識忍耐二字以俟天道遂冥目逝年九十八柴
翁一舉二子應旌士諧俱邑庠舉卒之日一年七十五
一年七十二張翁佐之子三延慶邑庠年八十二延聲
歲貢士年七十八延英邑庠年七十六佐卒三子皆鶴
潛江縣志

卷十六

人物志
列傳

三

髮童顏繞棺號泣一時人瑞萃於二翁之門異哉

莫若智

莫若智字元達號楚江汝嘉第三子弱冠失怙遭鬪牆
之變遠贅於東鄉學博劉馨宇署中性多雅游無何自
江右適秣陵執經焦澹園之門讀書不事章句惟邊防
屯漕諸時務目營手畫焦公知其材適宣大總督某公
焦同年友也力薦爲中權以往且佐之辦裝比至宣大
而某公已絳黨議去智遂息機戢影教授里中子進士
與先自幼及總角以至成名凡所讀書皆智朝夕程課

者也崇禎初邑葭州守袁冕聘游上郡袁老而秦寇方熾智義不忍却遂與俱行至則專以城守機宜相委重竟屹然無虞有重囚五六人爲求其生而釋之又有亡賴子馬九霄闖族憚之以勾賊首於官智力爭以爲雖亡賴罪不至死乃免後袁罷官歸此人出死力捍衛抵家而後去智之隱德遠慮多此類晚隱於邑西之長泊湖自號之江樵叟以終

謝國玉

謝國玉字君符先世席豐資美田宅甲於鄉里玉幼警

潛江縣志

卷十六

人物志
列傳

十四

敏氣岸磊落長好交遊善結納築館舍南益勵志學問恥爲俗下之言四方賓客造訪恒減產奉謹家遂不及中人而才名日著連不得志於有司乃屏迹自放與高士徐適之懌李雙白曉關外侯維甸寓情詩酒會亂離避寇湖鄉扁舟載書史壺觴自隨遇柳岸蘆溪輒呼朋儔共飲談論娓娓聽者忘倦嘗作遺懷詩差留古法行吾意未解時妝逐世趨可以知其所向已後以壽終子昉恩貢士澤州州同

劉率國

劉率國字端侯一字夢予東鄉諭劉芬之子也少負異敏聲爲文劇目鉅心不創獲不止萬歷戊午受知於學使者錢塘葛公岷瞻評其文有風蕭蕭兮易水寒之語遂以新進生拔置歲試第二名食餼蓋前此未有也自是益務振奇讀人所未見書每談藝論古石破天驚流輩咸敬憚之歲丁卯其姊夫莫若智將遊塞上子與先年十二歲甥舅相依執經問業一日悉取與先趨庭雜誦之篇數百首束而火之姊夫戟手怒詈率國笑應曰吾以純灰三斛澣吾甥胸腑奪蝥弧若俯拾地上芥耳

潛江縣志

卷十六

人物志
列傳

十五

踰一歲果然遠方聞之負笈者益眾如景陵程一璧其從弟劉廣國及與先皆次第成進士丙戌李尙隆解元邑農家子也率國每以元度許之其陶淑衡鑒精審若此他高第弟子淵源濡染多所樹立而率國獨屢試輒蹶終不得一售豈非命耶然葛錢塘偉人巨眼所梓行江漢人文祇今沾被徧海內率國與焉嗟乎足以傳矣癸未甲申間以次應歲貢掉臂弗出杜門講授爨無欲清之人而舒獻展謔之興不少衰年六十卒

國朝

歐陽烝

歐陽烝字憲文號繫菴讀書目下數行悉記無遺年十三爲學使華亭文敏董公首拔天啟甲子舉於鄉又十年崇禎丁丑成進士授江都縣令江都稱沃壤衝劇難治烝飭躬以廉馭民以靜理簿書斷訟獄發決如神故得以其餘閒恣覽經史百家之書五載爲令凡四校士每閱卷風發電掣夕掩闈朝署榜文之美惡罔不記憶所決科名有無遲速厯厯不爽士咸以經品題爲榮奏最入覲廷議以燕魯地多殘破令所舉才望素著者十

潛江縣志

卷十六

人物志
列傳

六

餘人仍補巖邑以儲大用烝又知滑縣一載推誠招徠滑民從賊者悉爲良善再召詣都越一日卽有甲申三月之變烝倉卒自盡爲同事者所甦病彌月不起

本朝殲寇定鼎補吏部驗封主事遷文選員外郎乙酉典試河南闈卷五千餘咸先搜閱然後分房細評得士九十五成進士者先後七十人旋以憂奔還乃藉張文昌胡旦之疾一丸泥自封嗚呼其深衷可感已著斲居文選舜問堂遺藁春詞集唐共若干卷烝嘗言生平作老蠹魚不肯乾死案頭之螢私憾千古少真讀書人從

來儒者皆黨枯護朽保缺守殘以致成見不化持論多
謬臚傳發冢則詩書爲梯白晝攫金則科第首禍內寇
外賊皆以我輩爲口實而讀書種子似絕矣斯言其砥
行礪名之藥石乎卒年六十四子學莖俱貢士

劉肇國

信國附

劉肇國字敏功號阮仙十歲而孤其舅氏歐陽公燧授
之學燧博聞強記忠節君子也肇國親承其教文章行
誼爲有本云肇國性樸茂襟度恬雅家固貧食客常滿
座上購書不計值每窮交故舊四方士懷刺遠投必竭
潛江縣志卷十六

人物志
列傳

七

情優遇有置驛投轄遺風崇禎癸酉舉人癸未進士選
翰林院庶吉士

本朝順治二年乙酉授弘文院檢討典江南鄉試出其
門者列史館臺垣掌銓衡登公輔先後相望丙戌典武
會試所得多奇士如提督梁公化鳳勲業尤著遷國子
監司業首拔熊公伯龍海內文章風氣一軌於醕擢國
史院學士教習庶吉士生母李太淑人卒肇國飯素茹
淡三年塑母像於佛前長跪膝下誠孝所感嘗有異徵

扶襯歸

欽予祭奠旋請告致仕其述懷詩曰 聖恩放作山林
客世業留爲田舍翁載自著菱湄集中戊戌遊江淮間
明年避寇秦郵入寶應以疾卒於廣陵石埭寺僧房康
熙十八年祀鄉賢子侁恩廕生未仕侁太學生州同先
是肇國艱於嗣以弟信國仲子侁爲後晚娶王夫人於
京邸生俛肇國卒俛甫四齡王柏舟自誓茹荼哺孤三
十餘年教俛克紹前緒里黨宗族咸稱王有功於劉氏
侁恬澹自守棲心白業於城隅舍旁建劉學士祠合祀
祖考後造佛閣三楹承先志也 虞山朱允治撰學士劉
公祠堂記曰祠堂者何

潛江縣志 卷十六 人物志

古祀典也祭祀一也晰之則二祭於家廟曰祭祀於郊

原曰祀古名卿大夫沒先定祭禮則以其所當名者名
之若考若祖考若會祖考以至大宗小宗之廟也以報
本也既定祀禮則羣公先正之壇壝也以報功也近代
以鄉賢名宦從祀先師孔子廟廷而事體更大俎豆與
於斯文有司必以奏請人稱崇祀誠哉祀典之極其崇
隆者矣吾師阮仙劉公以鄉賢從祀於是有從祀錄而
其長公侁意猶未慊謂從祀自春秋丁祭而外木主閉
文廟中清廟闕恤非與祭衣冠則不得瞻拜也乃謀建
祠堂於宅旁之南又以余小子辱在門牆荷公之恩最
厚受公之遇最深而知公者亦最悉故屬余爲之記余
竊憶公生平如從祀錄中所載持己端方立朝忠謹以
及接物和平居鄉雍穆誠不愧聖賢中人卽其校士武
闈特拔梁公化鳳稔其韜畧有針芥之投後閱幾年海
逆內侵梁公以島嶼孤軍挺身出援全東南之半壁甦
百萬之生靈功莫大焉所有之功則皆薦賢者之功也
捍災禦患民社賴之建祠以報不亦宜乎餘若嘉言懿
行可傳不朽者簡不勝書但論祠堂之有合於古且就

知人得士之一端而已不愧於斯舉如此

信國字公允號匡君肇國弟歲貢士授臨桂知縣信國書法秀整工繪事其所作著色花卉風韻絕佳少依庶母郭及郭卒信請於上引繼母例得終三年喪昔宋皇祐間祝紳鞠於兄嫂嘗為嫂持服又請解官持兄喪羣臣以為言仁宗曰世有匿親喪而干進者紳雖所服非禮然亦不忘鞠育可勸也信國此舉近之子俸拔貢任華州同知俸恩廕生考授縣丞

周廷彬

潛江縣志

卷十六

人物志
列傳

十九

周廷彬字孝質號夢漁少擅文名家有冤賦雖多累而力學自若天啟辛酉舉人順治壬辰授鳳翔府推官有

山東進士張六部者以劾陷於辟沈獄五載檄彬覆勘

廉得其冤狀力白於直指出其罪

張六部獻司理周公詩黃雀投網羅展轉

困螻蛄三公未顯時遇物生悲慈捐羅驅蟻去養雀成羽儀乃知聖賢心仁愛理不移賤子東魯士賦性狂且痴雖能讀父書不甚愛文詞存軀滄桑後浪藉一無資顧盼笑平原意氣許臨淄執政偶憐材收用及爨炊本不堪保障且復試繭絲連雲百戰後貪吏那可為而所持鄙念良莠定剔釐燥苙更悞急無功禍即隨憲典方執法下吏漫蹙眉紙上傾人命吁咨動天揆勅下詳刑者非經術不宜其時周夫子清風灑鳳岐人傳今定國爭說漢釋之幸值上官令檄予來公墀公墀何所見綠草自委蛇是日看夫子願予淚交頤繼領直指符究詰

予情辭宿牘舊雲黑形管初日曦虛明公畏間平反剖
劇時五載案沈淪一朝得矜疑行將達司寇入告聖明
知安得天下獄司理盡如茲嗟予泊失怙十年無嚴師
今者內畧獲生我復是誰迫聞星輅發涕泗泣漣而不
如華陰鳥翩翩傍車驟欲
憑寸草心答報三春遲
凡所讞決清慎平允矜全者

眾遷保寧郡丞兩分校秦蜀鄉闈辭疾致仕牒未下而
解綬載道矣彬澹於仕宦生平以聚書爲樂寒暑憂喜
悉寄於中昕夕讀聲琅琅達戶外尤好括奇遇輒手鈔
自少至老不間凡數百卷宅倚鄉林之三湖春夏挈小
艇攜酒載書維柳陰荷氣間繙校彌旬不返沈酣筆墨
不知老至辭世之日手古詩一卷與客論往事忽長歎

潛江縣志

卷十六

人物志

三

端坐書屋而逝詩猶在手遂舉是編以殉年七十有七

邑人朱士尊曰同死生之域而無怵惕於冑中亦出
而思歸耳而或者專以爲務則流於二氏誕漫迂怪
之文非聖賢所以教也蓋馬革裹屍與匡坐書屋武
士文人各有死所彼戀戀閨闈縷縷身後徒增愚暗
惟心有老死
有怵惕故然

劉昌吉

劉昌吉字季長漢中守應同子崇禎己卯科與仲子增
姪璫同登楚榜楚悼烈王公讌訊及隱德昌請給楮墨
卽席賦獻七律四首王益奇之賚予尤厚昌幼失怙爲
清白吏子家無贏貲侍母張恭人食貧自力有詩云一

區子與母一燈讀與織反復吟之泣下霑襟張卒昌哀
毀骨立茹素三載嘗於鄂城買篋賈人誤投一篋內有
百金昌還之其不苟於利類如此順治壬辰授黃陂教
諭有高生某被誣坐以逆議發兵勦昌毅然以百口保
之密諭高生自縛來見事得白尋請老賦歸裹足城市
日與田夫野老課量晴雨鄉人習之亦忘其爲薦紳也
著拙吹集年七十卒子堤歲貢士訓導璿同榜舉人仕
至同知

朱士冲

潛江縣志

卷十六

人物志
列傳

三

朱士冲字雲子號澹齋宗望孫性穎敏志嶽崎揮霍人
有急慷慨署券濟之不計其後償遇不直輒義形於色
才大行疎時有洛陽年少之目順治丙戌舉人丁亥進
士授翰林院庶吉士尋假養南還次維揚卒時年二十
八大業未竟同聲惜之

李之洵

李之洵字克恂號眉叟西鄉令鳴仲子生而貌厚志篤
寡言笑童子侍塾師時卽巍然端坐日哦一編無媚容
無疾趨伯兄之皞愛之晨夕提命故其爲制舉義卓然

名家小試輒冠九赴舉竟困於有司五十以歲貢士除
通城訓導期月棄歸益博覽經史百家毛穎丹黃遇魯
魚亥豕校正之矻矻窮年不以爲疲與人無賢愚少長
見必肅衣冠升降進退秩然禮讓或外侮至不與之校
座上客有譏議訕笑者亦未之斥嗒然無語而已康熙
癸丑應鄉飲大賓年七十六卒中州呂慎多銘其墓曰
高會規矩唯公守之萬石恭謹唯公有之可謂善言德
行己子貺舉人知縣冀太學生孫世兌康熙庚午鄉魁
世解太學生

潛江縣志

卷十六

人物志
列傳

三

劉廣國

劉廣國字竇生通政道隆孫順治戊子舉人已丑進士
授高平知縣分校辛卯晉闈補岑溪知縣擢刑部主事
康熙癸卯分校順天轉禮部郎丙午典浙江鄉試遷漢
羌兵備僉事裁缺歸里潛之大患在隄防數苦隣邑扳
協假公者樂其可漁終歲厲民以供人役弛汎防而罔
顧潛之憊甚矣歲戊申荆州有石頭嘴江隄之築扳協
於潛計工當費巨萬潛人大恐廣國率紳士父老同王
侯又且赴荆集議力持不可備陳地勢高下水性逆順

江漢利害不相及之故反復辨難累日卒定荆安兩木相協之案樹德於鄉廣國能繩其祖武焉卒年四十九子豫衡邑諸生偉太學生

張締之

張締之字仲嚴世以儒顯曾祖懋仁嘉靖戊午舉人篤實行崇正學祖翼歲貢士萬曆甲寅廷試第一俱未仕締之謹正有祖風而藻翰雅豔卓越一時順治辛卯舉於鄉授東安教諭東安僻介粵徼士習荒陋締之出其弄藏討論指示士喜其樂易被其教思文采丕然可觀

潛江縣志

卷十六

人物志
列傳

三

擢文昌知縣未任卒子先瑞歲貢士

廖燧聶之翰

廖燧字言蓀順治戊子拔貢試銓司次當除通判未任卒燧具敏才長於辭賦所居茅屋席門生徒環列嘗和邑明經朱石戶落花長律三十首一夕而成竟陵譚灌村侍講序而合刻其集行世聶之翰字眾藻康熙癸卯舉人授黃陂教諭遷辰州府教授尋乞歸翰諸生時卽以師道自任郡人士慕其學行爲築館舍延致授經出其門者多以文章科名顯翰晚節益礪爲郡伯邑長所

雅重遂家而終老焉二君皆起家作師一以詞賦傳一以科名顯教思之澤無窮哉

劉 增

劉增字聲玉號岸僧漢中太守應同孫黃陂論昌吉仲子通敏贍學問與物外和而中介孤尚逸情不可得而親疎人也崇禎己卯同父昌吉從弟璫登賢書順治丁酉授永平府推官畿輔要衝俗悍黠動皆掣肘增廉正不回強禦多所忌憚而民甚德之未幾遷南康府丞私喜得山水勝地可遂卧理臺使夙知其賢檄攝德興令潛江縣志

卷十六

人物志
列傳

十四

事比至卻征耗平訟獄清惠之聲徧境內尋解組歸康熙甲辰以攝令時承追積逋應墊銀五百餘兩徵赴興與人聞增至無遠近來迎忻且哭者千百人且議代償殫力樂輸不踰旬而畢增父昌吉聞之謂能不辱祖父清慎家傳賦遷吏四絕句紀其事

遷吏從來久處難權

輕怒重謗無端殷勤

傳爾民情厚較勝初時舊愛官
可憐公道近唯民恩
不能忘怨即徇如客所稱羣戴擁始知官不厭甘貧
受罰盜能出彼鄉民難代贖敢相商多金傾國交爭勉
况更今年大苦荒
行時會憶哭盈郊如覆慈烏母脫
巢待罪來時何許事
增晚憇荷湖紙窗木榻布袍蹇驢
歡聲帶淚泣鳴梢

蕭然無異寒士嘗自題其壁曰亦然農叟亦然郎官其

高致如此年六十七卒

李世儒

李世儒字雅修一字次山參政之諱孫廣文庚子少孤不逐於嬉長識詩書危坐誦讀經月不出戶庭義所不達研索至廢寢食制舉莠力追先正屢爲司衡所擊賞學詩愛韋左司柳河東嘗所作佳處樸澹韻冷人亦如之素不事家人生產復不耐於劇舉先世業棄之若遺窶困而無怨尤之色已而游大梁登嵩少賦詩益曠逸可觀徙居江陵龍湖以疾卒年三十有九世儒與同里潛江縣志

卷十六

人物志
列傳

三五

朱載震爲硯席交每商推今古砥礪文行各以古人相期規勉不少貸儒疾篤貽震書曰吾有詩一卷君爲我擇其勿渝於法者點定而授吾子他日君爲我藁一片石書江陵流寓李煉延之墓煉延世儒後所自易名也嗚呼士不得志於時竟幽憂頽放而不能假以學道之年可傷也

歐陽焯

歐陽焯字賓霞順治丁酉舉人戊戌進士授樂安知縣以寬簡爲治尋乞歸樂安之人扶攜泣餞者越境外卒

年五十八子壽歲貢教諭孫琬瑤瑄俱太學生先是焯父東暹年逾五十未有子焯嫡母張性嚴毅生一女頗慧有勸暹納貳室者難爲言旣而聘景陵張氏女匿別館去嫡母所居才數武舂杵刀尺之聲相聞凡七八年嫡母不知也暹五十九生焯兄燒六十三生焯焯兄弟孩提時數過其家嫡母以爲隣家兒撫慰飲食之歎曰此佳兒恨不生我家其女與僮僕皆竊笑然卒不以告及暹卒議爲之後者宗族故遲回無所屬而訂微以其事聞諸嫡驚且喜曰此大事胡弗早告我使我負不賢

潛江縣志

卷十六

人物志
列傳

三

名遽起攜二子及母張入而成禮焯時五齡未幾嫡母卒生母張撫二孤子捍門戶課以成名焯捷南宮歸衣宮綵爲母稱七十壽宗黨榮之年八十二卒母維危養晦苦節四十餘年若子若孫若曾孫世列冠裳獲報厚矣其女能左右調護以全嫡母名成張節而庇歐陽氏宗祊君子謂賢矣哉求諸古不多得也

涂奠祚

涂奠祚字小康號孝齋爲學以篤實爲宗志勤而行方少有聲譽序崇禎己卯闈卷江夏鄒公首薦格於式竟

乙之以尚書教授里中嘗攜其子銓侍學奠祚課諸生
因材督程啟迪誘掖必學者豁然有得而後已以故士
多所成就而銓之業益日進銓成進士奠祚猶隨諸生
應試學使武塘魏公禮而慰之休與人坐論終日貌恭
而容粹神斂而氣凝環席側侍者皆肅然傾嚮欽其素
履之端也康熙癸丑應舉鄉賓年七十卒以子銓官贈
奉政大夫銓字遴士號湘崖康熙己酉舉人庚戌進士
授昌化知縣丁巳科分校浙江文武兩闈以行取補兵
部督捕司主事典四川甲子科鄉試歷兵部職方司員
潛江縣志

卷十六

人物志
列傳

七

外戶部浙江司郎中遷東兗兵巡僉事次子銳季子鎬
俱太學生孫濂歲貢教諭

向大觀

向大觀字望湄號邁舫順治甲午舉人乙未會試副榜
除桂陽教諭大觀舉止莊雅議論崇閎裨躬範士一以
古賢爲則葺修濂溪書院館貧而力學者於廡洞庭以
南嚮風者不遠數百里執經來學戊戌成進士授廣西
懷遠知縣懷遠與猺獞相錯地峻而俗陋大觀剔從前
爲猺病者盡革除與民更始科必按畝丁必隨糧請復

烟禾舊法勸民耕桑教之植桐蓄魚獲自然之利村爲
置社社立官廳旁建塾遣社師分峒設教取豳風七月
流火詩演爲俗詁名曰懷豳歲仲春按行峒野命社師
升席講說童子歌詩耆老擊鼓爲野農行酒侑勤禁蘆
笙互答以別男女之嫌嚴抵償法以儆同類殘殺移建
學宮於邑中朔望集民耆苗長率各峒師生於明倫堂
教以拜跪閱其優劣行賞變搖苗獷悍鄙野於聲名文
物之中大觀以經術爲吏治之效也丙午分校粵閩峒
苗擁妖僧顛巫惑眾犯順大觀請兵申討檄觀隨營監
潛江縣志

卷十六

人物志
列傳

三

紀督運糧草勦撫並用三閱月徭苗以平遂乞歸苗民
爲嗣生事之牽羊擔酒挽衣泣送者數千人壬辰興修
邑志癸丑與修楚志會軍興未及授梓甲寅築萍野莊
於邑東南六十里移居六載卒卒之日手一卷立水亭
倚檻吟曰水上魚鷗稱社侶山中木石認居人吟罷隱
几而逝著邁舫文集五卷禮記續朱周易體象古序詩
經楚辭解漢魏樂府題解金剛經相解史論西撐詩說
共若干卷子光中歲貢士訓導

朱士尊

朱士尊字偉臣一字石戶花農其別號也同里進士莫與先爲之傳曰朱君少負異秉於書無所不讀極博而好沈湛之思君大父比部渭瞻公建擁萬閣貯經史百家以授君父止園先生止園隱君子所居池館蕭森牙籤疊架購藏益富君因得恣其涉獵年逾弱冠遭亂知事不可爲遂吐棄帖括其學唯以明體達用爲務凡經世大典如杜鄭馬邱諸家所紀而未備者蔑不源端竟委一一可見諸施行雖號稱聞人與朝夕研席者莫闕其崖略焉順治初學使天錫王公崇尚實學徵耆舊通

潛江縣志

卷十六

人物志
列傳

无

儒講藝江北書院君爲所羅旋辭去幽屏著述甲午選拔入成均一鼓篋遂歸會軍役繁興里甲重困君倣隣邑公當法力請于邑侯除當年名色爲權宜補救之計

條議載賦役志

甫行流亡漸復閱幾年而永革里排之令下顧

其解倒懸緩須臾以觀厥成君開先之功父老猶誦述之王子王侯幼華延君與望湄向君次山李君及長君載震輯修邑志論斷多出君手已而卜築南郊東浦距邑五十里移居惟載書十餘車耳蓋君生平多千里客又急然諾輕施予不靳斥腴產美宅佐人之緩急故雖

世華膺而家益中落然終其身不少變晚號花農老人
識者稱其得桃椎隱士漢上先生家法云年七十八卒
凡所著書有治平要錄史略遇鈔異鈔編柳堂詩集則
商邱中丞宋公牧仲所論定序而傳之者書法蒼妍尤
爲時所重子載震拔貢教習知縣

李 贖

李贖字君右號書城西鄉令鳴孫廣文之洵仲子天性
樸雅敏於學與人無畛畦而有特立之操順治戊子舉
於鄉年才二十二數困公車遂除知柘城縣贖廉靜與

潛江縣志

卷十六

人物志
列傳

三

民宜臺使已列剡應循良徵會以父憂去不果補丹徒
知縣丹徒爲南北水陸要區又時軍供繁劇贖從容措
置民德而事亦無廢尋絳吏議罷愛潤州山水有家焉
之志僦屋北固之陰焦山當戶每春夏風日恬霽或雪
積木落月波浩蕩招友搖小艇載酒登臨累日忘返興
至輒吟詩揮翰僧舍酒樓墨蹟尤多嘗往來吳會與名
流文酒縱橫清言獻酬咸謂有晉人瀟散高風贖僑潤
州十數載未肯以私干謁人尤不喜與俗接佳客至必
命酒移日分夜愁壘恥不愁甌塵也康熙庚午子世兌

以禮記魁楚榜往迎還鄉終非所好邑城南網臺爲李氏先業貺歸欲誅茅終老焉因以爲號未及營而卒年六十有六著有含桃軒詩稿百城煙水集行世

彭峻齡

彭峻齡字又房號戒菴爲人孝友誠篤遇事剛直能任順治戊子舉人己亥進士初授龍川知縣剔弊除陋請復食潮鹽以息商害重建學宮月率諸生童子課藝文教漸興康熙乙卯潮閩報叛大兵出征龍川爲水陸必經夫船供億甚苦峻齡單騎護送往返上下稱便大炮

潛江縣志

卷十六

人物志
列傳

三

度嶺索民過山錢泣訴不允峻齡忿激投河眾援出之始免時城守卒檄充援勦隣寇蠡起峻齡捐募壯士二百人訓練授以方略賊至設伏斷歸路禽斬殆盡龍川人以其功德卽宋丞相吳毅夫東山講學地建書院生事之每逢生辰咸來稱祝以志不忘十五年丙辰海逆陷惠潮文武官吏率棄城迎降僞都統洪羽領數萬眾犯龍川峻齡禦戰不利遂抱印赴贛州軍前乞師恢復事見龍川縣志事聞補授博平知縣尋致仕歸里捐金置產均分其愛弟爲其姪營家室課以有成置墓田訂宗譜邑

數百年大害無如里排峻齡力請於上詳載前賦役志勒石永革歷今遵守而利賴之是又其大功在一鄉也年七十二卒子述憲歲貢士安鄉教諭

張連璧

張連璧字仲維號述齋庠生孝友天成當親喪未葬適水漲以身衛棺月餘泣血不輟有弟某浪蕩成性祖業罄空璧以己私分之屢空屢分調持者五十餘載卒全手足情好焉生平膽識卓越不信醫藥不迎佛道喜施與儉歲捐穀賑飢活人無算邑令題其門曰枌榆仰澤

潛江縣志

卷十六

人物志
列傳

三

蓋義之也康熙甲戌乙亥年荆潛之間有大盜猖獗白日夥伴劫搶民間財物銳不可當一夕至璧門璧與之敵連傷渠數人餘黨竄迹後以其事聞之有司稱義勇者再又潛有長泊堤爲西區數十垸總會璧激於義率邑紳縉呈請密劄每陰雨流連則開劄洩水至今人人享耕作之利述齋之力也著有家訓略言最足曉世卒年九十三歲子承寵歲貢生贈中憲大夫篤行工文著作甚富常捐金助婚尤爲克體先志次子承寧邑增生聰穎好學與兄齊名孫先名貢生興國訓導先端吏員

先皞增生先昇庠生封中憲大夫先會貢生先拱太學生先立舉人會孫代巡舉人代守進士代梅代理代興俱庠生代宣進士侍衛代言代鑾監生

論曰名者世所競趨而實足以副恒難三物六德之義衰立爲官箴以束之著爲月旦以儆之繼以董狐之筆大書特書袞鉞並昭使爲善足以興而不肖知所誠斯亦知令名非倖邀托紀載以垂不朽者爲可尙已夫獵名而浮誇溢美簡陋而有善弗彰君子謂其失均焉邑乘自萬厯庚子至康熙甲戌凡九十四潛江縣志

卷十六

人物志
列傳

三

載其間奇人挺生名臣大儒類出世胄勲業文章淵源授受有以也啟禎之際尙廉隅恥詭行卓然以潔身持世自命者炳炳洋洋聲施汗簡

本朝崇實絀浮禮教漸被淳厚成風以循良著以德行文學顯霞起雲烝彬彬乎筆不勝紀匪以侈一邑人材之盛蓋使觀曩牒所略與今所詳核而傳信者詎曰上備輜軒之采將以俟異日執筆之有所徵其庶幾乎